


# 堯山堂外紀


六十二之六十五



漢書門類			
九七七〇號	七二函	二二架	二四冊

內閣文庫		
漢書類	九七七〇號	二四冊
三〇八函		九架

內閣文庫	
番號	漢 9770
冊數	24 (16)
函號	308 95



外紀卷六十二

晉陵蔣仲舒編

淺草文庫

宋

韓侂胄

字昂夫琦七世孫也封平原郡王顏  
械草制言其得聖之清易板撰答詔  
旦與不足以擬其勲有稱為我王者

韓平原在慶元初其弟仰胄為知閣門事頗與密  
議時人謂之大小韓求捷徑者爭趨之一日內

燕優人有為衣冠到選者自叙履歷材藝應得

美官而留滯銓曹徘徊浩歎又為日者弊帽持  
扇過其旁邀使談庚甲問得祿之期日者厲聲  
曰君命甚高但於五星局中財帛宮若有所礙  
目下若欲亨達先見小寒更望成事必見大寒  
可也優蓋以寒為韓侍燕者皆縮頸匿笑時有  
宗室就試南宮者題詩客邸云寒衝衝風怯曉  
寒也隨舉子到長安路人莫作親王看姓趙如  
今不似韓

韓休曹旣逐趙汝愚至衡州暴卒或謂中毒云  
學生教陶孫賦詩于三元樓壁云左手旋乾右  
轉坤如何群小恣流言狼胡無地居姬旦魚腹  
終天吊屈原一死固知公所欠孤忠幸有史長  
存九泉若遇韓忠獻休說如今有末孫陶孫方  
縱筆飲未一二行壁已昇去陶孫知必為韓所  
慮頃之捕者至矣急更衣持酒具下樓與捕者  
交臂問教上舍在否對曰方酣飲亟亡命走閩

侂胄敗乃登第一

陶孫字器之號曜庵懷才拔氣嘗有詩云蟠胸三萬卷落

筆五  
下言

嘉太四年火及太廟而韓侂胄府獨全蓋殿帥馮時力為撲護耳洪舜俞詩云殿前將軍猛如虎救得汾陽令公府祖宗神靈飛上天可憐九廟成焦土

韓侂胄嘗以冬月携家遊西湖遍覽南北兩山之勝末乃置宴南園族子判院與焉有獻牽絲傀儡

偶為土偶負小兒者名為迎春黃胖韓顧族子

詠之即賦一絕云脚踏虛空手弄春一人頭上

要安身忽然綫斷兒童手骨肉都為陌上塵侂

胄拂然不終宴而歸未幾禍作判院者越不敏弟也不敏與錢

唐名娼盼奴甚洽久之不敏日益貧盼奴周給之使篤于業遂捷南省得官授襄陽府司戶赴官三載想念成疾而卒有祿俸餘貲囑判院均分之一以膳判院一以送盼奴且言盼奴有妹小娟俊雅能詩可謀致之佳耦也判院至錢塘則盼奴一月前死矣小娟亦以於潛官絹誣攀繫獄俸從獄中召出詰之曰汝誘商人官絹百疋何以償之小娟叩頭言此亡姊盼奴事乞賜

周旋倅喜其辭宛順以趙司戶所寄付之小娟  
折書惟一詩云當時名妓鎮東吳不好黃金只  
好書借問錢塘蘇小小風流還似大蘇無小娟  
得詩默默倅索和援筆書云君住襄江妾住吳  
無情人寄有情書當年若也來相訪還有於潛  
絹也無倅大喜盡以所寄物與之免其償絹且

為脫籍歸判院偕老焉

韓平原甲第罪逐後改為寺監齋舍生有題二絕  
于壁曰掀天聲勢祇冰山廣厦空餘十萬間若  
使早知明哲計肯將富貴博清閑花柳依然弄  
曉風才郎袖手去無蹤不知郿塢金多少爭似

盧門席不重兩詩皆用董卓郿塢事

初侂胄擅權日一時獻佞者皆稱師王叅知政事  
錢象祖嘗諫用兵與有隙史彌遠因與合謀既  
得罷相之旨遂私謀批殺之寧宗實不知也都  
下語曰釋伽佛中間坐胡漢神立兩傍文殊普  
賢自闢象祖打殺獅王聞者絕倒

京鏜字仲遠漢魏郡太守房之後晚得宋齊丘宅批古松百章自號松坡居士韓侂  
乃引以自助曹欲傾趙汝愚

堯山堂外紀卷六十二  
上元前一日立春京仲遠賦漢宮春詞曰暖律初  
回。又燒燈市井。賣酒樓臺。誰將星移萬點。月滿  
千街。輕車細馬。隘通衢。蹴起香埃。今歲好。土牛  
作伴。挽留春色。同來。不是天公省事。要一時  
壯觀。特地安排。何妨綵樓鼓吹。綺席樽罍。良宵  
勝景。語邦人。莫惜徘徊。休笑我痴頑。不去年年  
爛醉金釵。

光堯之喪金遣使弔祭以京仲遠為報謝使金錫

燕汴亭仲遠與郊勞使康元弼言請免燕不許  
請撤樂亦不許至期虜促入席傳呼不絕仲遠  
趨退復位甲士露刃閉門仲遠排闥而出元弼  
等以聞其至仲遠留館俟命賦詩曰鼎湖龍馭  
去無蹤三遣行人意則同凶禮強更為吉禮  
風終未變華風設令耳與笙鏞末只願身縻鼎  
鑊中已辦滯留期得請不辭築館汴江東越七  
日竟獲免樂之命

歐陽修謚文忠京鐘亦謚文忠初謚文穆時有無  
名子作詩曰一在廬陵一豫章文忠文穆兩相  
望大家吹上梧桐樹自有傍人說短長

趙師昇

字從善號東塘趙千里姪也昇即古  
擇字觀其字曰從善蓋取擇其善者  
而從之義也尹京時有  
政聲戮杭州姦僧尤奇

趙師昇於儀真掃雲亭有詩云落得公餘半日閑  
拂雲臺榭許躋攀眼前好景真如畫柳外人家  
江外山又道中詩云儀真樽酒賞花時比著江

南已較遲及至儀真花盡謝都梁纔見開新  
語意流麗是為佳作

慶元初趙師昇為臨安尹嘗請畫以西湖為放生  
池作亭池上求國子司業高炳如文虎為記高  
故博洽疾時文浮誕痛抑之以此失士子心會  
記中有鳥獸魚鼈咸若商曆以興既已銀之石  
本流傳殆不可掩改商為夏痕刻猶存輕薄子  
作詞以譴之云高文虎稱伶俐萬苦千辛作箇

放生亭記從頭無一句說着官家盡把太師歸  
美這老子忒無廉耻不知潤筆能幾夏王却作  
商王只怕伏生是你

韓平原南園中有所謂村莊者竹籬茅舍宛然田  
家氣象平原嘗游其間甚喜曰撰得絕似但欠  
鷄鳴犬吠耳既出莊游他所忽聞莊中鷄犬聲  
令人視之乃趙師巽所為也平原大笑益親愛  
之其後侂胄敗有贈之諛詞曰堪笑明庭鷄鳴

甘作村莊犬鷄一日冰山失勢湯燂鑊莫刃到

又曰侍郎自號東墻曾學犬吠村莊今日不須

搖尾且尋土洞深藏周公諡辨此事乃太學生

侂胄南園有沉香山高五丈立之凌風閣下乃  
枯栝耳賦詩云舊事淒涼尚可尋斷碑闕野草  
深深凌風閣下撻牙  
樹當日人疑是水沉

史彌遠丞相浩之子

史浩與覺長老善一日浩坐廳上儼然見覺突入  
堂中使人往寺廡之則報覺死矣茶頃浩後院



弄璋浩然知為覺也遂以覺為小名及長名  
之曰彌遠後相兩朝二十六年權震海內時有  
人作詩規之者曰前身元是覺閣黎業障紛華  
總不迷到此更須睜隻眼好將慧力運金鏡  
開禧間韓侂胄以用兵起釁中外憂恚史彌遠定  
計擁至玉津園側擊殺之命臨安府丞其首詣  
金人求和建陽劉淮為之詩云寶蓮山下韓王  
府鬱鬱沉沉深幾許主人飛頭去和虜綠戶雕

窓鎖風雨九世卿家一朝覆太師宜誅魏公辱  
後車不悟有前車兀突眼中觀此屋高九萬詩  
云拂曉官家簿錄時未曾吹徹玉參差傷人不  
忍聽鸚鵡猶向金籠喚太師

史彌遠比周揚后出入宮禁外議甚譁有人作詠  
雲詞譏之云往來與月為儔舒卷和天也蔽及  
廢濟王而殺之也甚寃劉克莊有詩譏之云楊  
柳春風丞相府梧桐夜雨濟王家

史彌遠初反韓侂胄所為時頗稱治及濟王不得其死論者紛起遂專任檢壬以居臺諫李知孝梁成大等為之鷹犬搏擊善類士流無耻者多以鑽刺進秩宮宴時有伶人執拳石以大鑽鑽之久而不入嘆曰鑽之彌堅一伶遽扑其首曰汝不去鑽彌遠却來鑽彌堅可知道鑽不入也舉座弁栗翌日彌遠杖伶人而出之境又蜀閬後為衣冠者數輩皆稱為孔門弟子相與言吾儕皆選人遂各言其姓曰吾為常從事吾為于

從政吾為吾將仕吾為路文學別有二人出吾宰予也夫子曰於予與改可謂僥倖其一曰吾顏回也夫子曰回也不改其人憤然曰吾為四科之首而不改汝何為獨改宰予曰吾鑽遂改汝何不鑽回曰吾非不鑽而鑽堅耳曰汝之不改宜也何不鑽稱遠乎

史彌遠欲占育王寺地作墳眾僧俯首莫敢誰何有一小僧曰我有一策阻之作偈云寺前一塊地常有天子氣丞相要作墳不知主何意用是題於通衢史意遂息

史彌遠死已久一夕其家聞叩門聲曰丞相歸舉

家駭匿。比入門。燈轎紛紛升堂。卽席子婦皆出。羅拜訊慰。平生歷歷。囑家事。索紙筆題詩云。冥路茫茫萬里雲。妻孥無復舊為羣。早知泡影須臾事。悔把恩讐抵死分。

鄭清之

安晚先生

鄭清之在大學十五年。殊困滯無聊。及試青紫。明主恩詩。押明字。短晷逼暮。思索良艱。漫檢韻中。有頽字。可押。遂用為末句。云他年蒙渥澤。方玉

帶圍頽歸為同舍道之。皆大笑曰。綠衫尚未能得着。乃妄思繫玉乎。已而中選。攀附史彌遠。官至極品。竟賜玉馬。遂成吉讖。

宋時臨安三學之橫盛。於景定淳祐之間。鄭清之當國。議行諸州各試之法。以散遊學之士。於是相率而去。作文告先聖曰。斯文將喪。嗚呼。天乎。吏議逐客。嗚呼。人乎。棄桴浮海。嗚呼。聖乎。逐世無悶。嗚呼。士乎。敢告。又作詩云。塞翁何必恨失。

馬城火可憐。殃及奠。一笑出門天。萬里擔頭猶有斥。姦書又詩云。鄭五不去國。金陵深誤君。校存知必毀。書在已如焚。自是清流禍。非干北黨分。歸歟雖幸矣。恨未效朱雲。大學古語云。有髮臺言其清苦。而顛亮也。嘉定以後。效飲酣沉。黃白錯落。推門要路。陽為矯激。陰則附麗。而徒以徒吻劇舌。唯黃國是去。古語遠矣。時有詔禁士。暖不得用。青涼傘。多以早絹為之。有題一絕于。明天門曰。冠蓋如雲。自古然。易青為草。且從權。中原多少黃羅織。何不多多出。賞錢聞者。啓葛。以逐盡用。黑油織馬。又車駕饗景靈宮。太學武學宗學諸生。俱在禮部前迎駕。有作十七字詩。

幸景靈宮諸生畫鞵躬頭烏身上白米也。其僕頭襪服歲糜糜祿不得出身年年迎也。

王荆公詠吐高峯塔云。飛來峯上千尋塔。聞說鷄鳴見日升。不畏浮雲遮望眼。自緣身在最高層。鄭清之詠六和塔云。經過塔下幾春秋。每恨無因到上頭。今日始知高處險。不知歸卧舊林丘。二詩皆自喻荆公作於未大用前。安晚作於既大用後。然卒皆如其意。

馬光祖號裕齋人謂光祖尹臨安猶之包孝肅尹開封云

淳祐間史嵩之入相以二親年孝慮有不測預為

起復之計時馬光祖未卒哭起為淮東總領許

堪未終喪制起為鎮江守臣里巷為十七字謠

曰光祖做總領許堪為節制丞相要起復援例

寶祐間馬裕齋尹臨安不畏貴戚豪強庭無留訟

福王府訟民不入賃房錢民云房漏裕齋判云

晴則鷄卵鴨卵雨則盆滿鉢滿福王若要房錢

王待光祖任滿唐裴諤為河南尹有投牒悞書

似這畔我也不辭與你判笑殺門前看靴漢又

婦人同投狀爭貓兒伏云若是兒貓兒訴大笑判

其狀曰貓兒不識主箇家搗老鼠兩家不須爭

將來與裴諤遂納其貓兒爭者亦止

馬裕齋尹臨安日有士子踰牆盜入室女事覺到

官裕齋試踰牆樓處子詩士人秉筆云花柳平

生債風流一段愁踰牆乘興下處子有心樓謝

砌應潛越韓香許暗偷有情生愛慾無語強嬌

羞不負秦樓約。安知漢獄囚。玉顏麗如此。何用  
讀書求。裕齋喜甚。卽判一減字木蘭花詞云。多  
情多愛。還了平生花柳債。好箇檀郎。室女為妻  
也。合當傑才高。作聊贈青蚨三百索。燭影搖紅。  
記取冰人是馬公。遂令女歸生。且厚贈之。

方岳

字巨山。歙人。號秋崖。賈似道號秋壑。時  
人有秋崖秋壑一般。秋之語初為趙丞  
相幕客趙父名方。乃改姓萬。既而又  
為丘岳。端明屬於是。復改名為萬山。

方焮崖除夜小盡生日辭曰。今朝二十九。明日初

一。怎欠箇秋崖生日。客中情緒。老天知道。這日

不。滿三十。春盤縷翠。春缸搖碧。便泥做梅花

消息。雪邊試問。是耶非。今夕不知何夕。

方秋崖客中遇新雪賦一剪梅詞曰。誰剪輕瓊。做

物華春。遠天涯。水遠天涯。園林曉樹。恁橫斜。道

是梅花。不是梅花。宿鷺聯拳。倚斷槎。昨夜寒

些。今夜寒些。孤舟策笠。釣烟沙。待不思家。怎不

思家。

方秋崖以諫去國高九萬贈詩云忠言歷歷未曾  
行盡載圖書出帝京餘子但知才可忌先生當  
以去為榮門闌竹石關心久部曲溪山照眼明  
長嘯歸餘莫惆悵浙江風定自潮平

謝方叔

字惠國淳祐末與  
吳潛為左右丞相

謝方叔自寶祐免相歸江西寓第壬申正月公薨  
居無他忽報雙鶴相繼而斃公喟然嘆曰鶴既  
仙化余亦從此遊矣於是區處家事凡他人負

券一切焚之沐浴朝衣焚香一望闕遙拜次詣  
廟祝白招親友從容叙別以書偈曰罷相歸  
來十七年燒香禮佛學神仙今朝雙鶴催歸去  
一念無慙對越天瞑目靜坐須臾而逝

吳潛

字毅甫號履齋  
嘉定丁丑狀元

吳履齋和吳夢窓

文英

賦梅調寄聲聲慢云換晴

撥暖載酒呼朋夷猶東園西園綠萼枝頭雨三  
初破輕寒平生自甘寂寞占冷妝不為人妍林

逋去問影疎香暗。誰賦其間空想。故山奇事。正  
烟橫嶺曲。月浸溪灣。杏錯挑訛。那時青子都圓。  
惟曉夢窓知處。對翠禽依約。神仙休引角。怕征  
人淚落塞邊。

吳履齋贈建寧妓唐玉賀新郎詞云。可意人如玉。  
小簾櫳輕勻淡。竚道家粧束。長恨春歸無尋處。  
全在波明黛綠。看冶葉倡條。渾俗比似江梅清。  
有韻更臨風對月斜。依竹看不足。詠不足。曲

屏半掩春山簇。正輕寒夜永。花睡半。歌殘燭。  
渺九霞光裡。夢香在衣裳。騰馥。又只恐銅壺聲  
促。試問送人歸去後。對一奩花影。垂金粟。腸易  
斷情難續。

吳履齋為人豪雋。在相位。其兄弟多以附麗登庸。  
賈似道與隙。遂為飛謠于上。曰大蜈公。小蜈公。  
盡是人間業。毒蟲黃綠攀。附百虫叢。若使飛天  
能食龍。語聞謫循州。中毒死後。似道遭貶。時人



顯壁云去年秋今年秋湖上人家樂復憂西湖  
依舊流 吳循州賈循州十五年間一轉頭人  
生放下休

賈似道

字師憲台州人少落魄遊博會其姊  
有寵于理宗十數年超致相位時有  
朱某者以劄于賈稱頓  
首萬拜因號朱萬拜

賈似道初入相有人作詩云收拾乾坤一擔擔上  
肩容易下肩難勸君高着擎天手多少傍人  
眼看

賈似道嘗作堂曰半閒每治事畢則入堂中打坐  
有佞人上糖多令詞大稱其意其詞曰天上謫  
星班青牛度關幻出蓬萊新院宇花外竹竹邊  
山軒冕倘來間人生間最難美真閒不到人間  
一半神仙先占取留一半與公閒

賈似道欲行富強之策是時劉良貴為都曹尹天  
府吳勢卿餉淮東入為浙漕遂交贊公田事欲  
先行之浙右候有端緒則諸路做行之于是以

荆山堂分錄卷之十一  
官品限田立回買派買之目民間騷然有為詩  
云襄陽累載困孤城秦養湖山不出征不識咽  
喉形勢地公田枉自害蒼生其後又立推排打  
量之法白沒民產有人作詩云三分天下二分  
亡猶把山川寸寸量縱使一坵添一畝也應不  
似舊封疆又有作沁園春詞云道過江南泥墻  
粉壁右具在前述何縣何鄉里住何人地佃何  
人田氣象蕭條生靈憔悴經界從來未必然唯

何甚為官為已不把人憐 思量幾許山川  
土地分張又百年西蜀巉巖雲迷鳥道兩淮清  
野白驚狼烟宰相弄權姦人罔上誰念干戈未  
息肩掌大地何須經理萬取千馬

御史陳伯大奏立士藉似道毅然行之凡應舉及  
免舉人州縣給曆一道親書年貌世系及所肄  
業于曆首執以赴舉過省叅對筆跡異同以防  
偽濫時人有詩譏之云戎馬掀天動地來襄陽

幾處哭聲哀。平章束手全無策。却把科場惱秀  
才。又有詞云。士籍令行條件分明。逐一排連問  
子孫。何習父兄何業。明經詞賦。右具如前。最是  
中間娶妻某氏。試問于妻。何與馬鄉保舉。那當  
著押開口論錢。祖宗立法于前。又何必更張。萬  
萬千笑。行關改會。限田放糴。生民凋瘵。膏血俱  
脫。只有士心。僅存一脉。今又艱難。最可憐。誰作  
備陳。堅伯大附勢專權。

賈似道令人販鹽百艘。至臨安太學生有詩云。昨  
夜江頭湧碧波。滿船都載相公醪。雖然要作調  
羹用。未必調羹用許多。賈聞之。遂以士人付獄。  
賈似道開閩。日有挑符一聯云。笑迎珠履三千客。  
坐擁貔貅百萬兵。人皆稱羨。一客獨笑曰。若是  
則客居主位矣。何不曰坐擁貔貅兵百萬。笑迎  
珠履客三千。賈大喜。厚贈之。他如威行塞北。幾  
千里春滿淮南。第  
一州陽春膏雨。三千里明月香  
風。十二樓皆門客。所諂獻者。

賈似道一日招馬廷鸞。夢昇飲行令舉一物與人還詩一聯。似道云：我有一局棋，付與棋師棋。師得之，予我一聯詩。自出洞來無敵手，得饒人處且饒人。廷鸞云：我有一竿竹，付與漁翁漁。翁得之，予我一聯詩。夜靜水寒魚不食，滿船空載月明歸。夢昇云：我有一張犁，付與農夫農夫得之，予我一聯詩。但存方寸地，留與子孫耕。似道不悅而罷。

賈似道偶退居湖山，有一蜀僧褴褛徘徊其側。賈問之曰：汝為何僧？對曰：某詩僧也。賈適見湖中有漁翁，遂命賦之。僧請韻，賈以「天」字為韻。僧應口對曰：籃裏無魚欠酒錢，酒家門外繫漁船。幾回欲脫蓑衣當，又恐明朝是雨天。賈喜，厚贈之。廖瑩中賈似道門客也，嘗撰《福華編》以紀鄂功。八月八日，似道生辰，瑩中獻木蘭花慢云：請諸君着眼來看我，福華編記江上秋風。鯨鯨漲雪，鴈

徽迷烟一時幾多人物且我公隻手護山川爭  
觀階符瑞象又扶紅日中天因懷下走奉橐  
鞬磨盾夜無眠知重開宇宙活人萬萬合壽千  
千鳧鷺太平世也要東還赴上是何年消得清  
時鍾鼓不妨平地神僊又郭居安聲聲慢云捷  
書連畫甘洒通宵新來喜沁堯眉許大擔當人  
間物力須彌年年八月八日長記他三月三時  
平生事想祇和天語不遣人知一片閒心鶴外

被乾坤繫足虹玉腰圍閭闔雲邊西風萬籟  
齊歸舟更歸何處是天教家在蘇堤千千歲比  
周公多箇綵衣且倚以儷語云綵衣宰輔古無  
一品之曾參衮服湖山今有半閒之姬旦時似  
道母猶在養所謂三月三者蓋頌其庚申蘋草  
坪之捷而歸州乃舫齋名也賈大喜旣而語客  
曰此詞固佳然失之大俳安得有著綵衣周公  
乎

賈似道有異志有一術士能拆字賈以策畫地作  
奇字與之拆術者曰公相之志不諧矣道立又  
不可道可又立不成公默不語禮而遣之恐泄  
其事使人害諸途

有富春子善風角鳥占賈秋壑招之一日叩以飲  
食之事密寫緘封明日賈宴客湖舟至暮賈立  
船頭歌月明星稀烏鵲南飛之句廖瑩中言曰  
已晚可拆書觀之諸事不及唯有月明星稀烏

鵲南飛八字衆皆驚賞

賈似道嘗齋雲水千人其數已足有一道士衣襦  
襪褻至門求齋主者以數足不肯引八道士堅  
求不去不得已于門側齋焉齋罷覆其鉢于案  
而去衆將鉢刀舉之不動啓于似道自往舉之  
乃有詩二句云得好休時便好休收花結子在  
綿州始知真僊降臨而不識也後死木綿菴此  
其兆云

文及翁 字時學號本心綿州人文山通譜

文及翁登第後期集遊西湖一同年戲之曰西蜀  
有此景否及翁卽席賦賀新郎云一勺西湖水  
渡江來百年歌舞百年酣醉回首洛陽花世界  
烟渺黍離之地更不復新亭墮淚簇樂紅粧搖  
畫舫問中流擊楫何人是千古恨幾時洗 余  
生自負澄清志更有誰蟠溪未遇傅岩未起國  
事如今誰倚伏衣帶一江而已便都道波神堪

恃借問孤山林處士但掉頭笑指梅花蕊天下  
事可知矣

理宗朝嘗欲舉行推回畝田之令有言而未行至  
賈似道當國卒行之文及翁作百字令詠雪以  
譏之云沒巴沒鼻煞時間做出漫天漫地不問  
高低併上下平白都教一例鼓弄滕六招邀巽  
二只恁施威勢識他不破至今道是祥瑞 最  
苦是鵝鴨池邊三更半夜誤了吳元濟東郭先

生都不管。挨上門兒穩睡。一夜東風三竿紅日。  
萬事隨流水東流。嘆道山河原是我的。

文本心典淮郡蕭條甚謝賈相啓有云人家如破  
寺十室九空太守若頭陀兩粥一飯

葉李

字太白宋亡入元上書獻鈔  
式世皇嘉納遂為至元鈔

賈似道當國時行公田關子兩法民間苦之葉李  
時為太學生上書力詆似道怒喉林德夫告葉  
泥金飾齋扁不法令獄吏鞠之云只要你做一

箇麻糊葉卽口占一詩曰如今便一似麻糊  
是人間大丈夫筆裏無時那解有命中有處未  
應無百千萬世傳名節二十三年非故居寄語  
長安朱紫客盡心好上帝王書遂遭黥流嶺南  
及放還似道謫漳州相遇諸途葉以詞贈云君  
來路吾歸路來來去去何時住公田關子竟何  
如國事當時誰汝誤雷州戶崖州戶人生會有  
相逢處客中頗恨乏蒸羊聊贈一篇長短句



來者吾聽者來來去去可謂主  
入好選以直而章其跡也  
身安未察者盡心致上帝王言  
無無百千萬世斷各領二才三  
吳人間大丈夫筆痕無却砥礪  
首麻勝葉唱曰古一藉曰咬今  
對一必無勝

青山堂外紀卷六十三

晉陵蔣仲舒編

宋

江萬里

字子遠元人破襄陽時鑿池芝山後  
圃扁其亭曰止水饒州破赴山水成

馬遠嘗畫三教圖釋迦中坐老子儼立于傍孔子  
乃作禮於前蓋內瑞故令作此以侮聖人也理  
宗詔江子遠作贊子遠贊云釋氏跌坐老聃倚  
睨惟吾夫子絕倒在地遂大稱之

文山先生集卷之二十三  
文天祥 本名雲孫字天祥後以字貢于鄉理  
宗見其名曰此天之祥乃宋之瑞也

因字  
宋瑞

寶祐丙辰上元里人有叩箕仙場事者云文章天  
下無雙手到底由知是吉祥其年文山擢第二  
德祐初牒報元師渡江詔諸路勤王天祥乃發郡  
中豪傑并結溪洞山蠻應之或議其猖狂時士  
方為之歌曰出師自古尚張皇何況長江恣擾  
攘聞道義旗離漕口已驅北騎走池陽先將十

萬來迎敵最好諸軍自裹糧說與無知饒舌者  
文魁元不是猖狂

賈餘慶劉岳相繼降元一日留遠亭夜集北人然  
火亭前聚諸公列坐行酒賈有名風子滿口罵  
坐毀宋朝人物無遺以此獻佞北惟疊疊笑劉  
數奉以淫褻諸酋專以為笑具于舟中取一村  
婦至亭中使薦劉寢據劉交坐諸酋又嗾婦抱  
劉為戲文山不勝悲憤口占刺之刺賈云甘心

賈國罪滔天酒後猖狂詐作顛把酒逢迎西虜

殺從頭罵坐數時賢刺劉云落得稱呼浪子劉

樽前百媚佞旃裘當年鮑老不如此留遠亭前

犬也羞

時淮南閩帥夏貴歸附元授中書左丞凡四年歿有人贈以詩云自古誰無歿

惜公遲四年問公今日歿何似四年前又有人吊其墓云享年八十三而不七十九嗚呼夏相

公萬代名不朽

祥與初張弘範襲執文天祥於五坡嶺以客禮見

之至厓山張命李恒家公書諭張世傑降公乃

書過零丁洋詩與之詩云辛苦遭逢起一經千

戈落落四周星山河破碎風拋絮身世飄搖兩

抔萍皇恐灘頭說皇恐零丁洋裏歎零丁人生

自古誰無歿畱取丹心照汗青李不能強持詩

達張張但稱好人好詩竟不逼

元丞相伯顏統兵入杭謝全兩后以下皆赴北有

王婉儀者題滿江紅於驛云太液芙蓉渾不似

舊時顏色會記得恩承雨露玉樓金闕名播蘭

簪妃后裏暈湘蓮。臉君王側。忽一朝。輦鼓揭天  
來。繁華歇。龍虎散風雲。滅千古恨。憑誰說對  
山河百二淚。霑襟血。驛館夜驚塵。土夢寶車曉  
展關山月。只嫦娥相顧。肯從容。隨圓缺。王名清  
惠字冲  
華後為女道士此辭傳播中原文山讀至末句歎曰惜  
也。夫人于此少商量矣。因為代作一篇云。試問  
琵琶胡沙外。怎生風色最苦。是姚黃一朵移根  
仙闕。王母恹闌瑤宴罷。仙人淚滿金盤側。聽行

宮半夜雨淋鈴。聲聲歇。彩雲散香塵。滅銅駝  
恨。那堪說。想男兒慷慨嚼穿齧血。回首昭陽離  
落日。傷心銅雀迎新月。算妾身不願似天家。金  
甌缺。又和云。燕子樓中又捱過。幾番秋色。相思  
處。靑年如夢。乘鸞仙闕。肌玉暗消。衣帶緩。淚珠  
斜透。花鈿側。最無端。焦影上。惚紗靑燈歇。曲  
池合高臺。滅人間事。何堪說。向南陽。阡上滿襟  
清血。世態便如翻覆。雨妾身元是。分明月笑樂。

昌一段好風流菱花缺。

元至元庚辰五月文璧自惠州入覲右丞相帖木

兒不花曰此人是文天祥弟帝曰那箇是文天

祥博羅對曰即文丞相上嗟嘆久之曰是好人

也次問壁右丞相奏是將惠州城子歸附底帝

曰是孝順我的當時有詩云江南見說好溪山

壁號兄也難時弟也難可惜梅花各心事南枝

向暖北枝寒皇慶中丞相子陞仕為集賢學士

一修文同父子人間讀中各君臣先是丞相子  
道生佛生皆流離中歿已治命以陞為後按陞  
為壁之子則陞之  
失其本心有自矣

陳文龍

興化人初在太學累試不入格一日  
夢太學士神岳候請交代自謂必歿

于學既而廷對第一前夢不復記矣及守  
鄉郡又夢神通詩首言交代後著年月曰  
至元心甚駭愕未幾倖至杭拘繫于太學  
病將絕歎曰皇宋不亡之前鬼神已奉虜  
正朔矣吾今病且死而遠囚太  
學得無為太學上神乎采卒

度宗龍飛榜陳文龍為廷魁胡躍龍為省元時范

文虎為殿帥孫虎臣為步帥有人對云龍飛策

士狀元龍省元龍虎帳得人殿帥虎步帥虎

景炎初興化軍降元陳文龍被執至合沙以詩寄

仲子訣別云斗壘孤危弱不支書生守志誓難

移自經溝瀆非吾事臣死封疆是此時須信壘

臣堪釁鼓未聞烈士樹降旗一門百指淪胥北

惟有丹衷天地知

陸秀夫 當時有先兆曰擎天者  
文天祥捧日者陸秀夫

景炎三年夏四月衛王卽位海上陸秀夫為首相

時播越海濱庶事疎略每朝會秀夫獨儼然正

立如治朝雖流離中猶日書大學章句以勸講

及厓山兵潰秀夫先驅其妻子入海卽負帝同

溺或畫為圖者林景熙賦詩云紫宸黃閣共樓

船海氣昏昏日月偏平地已無行在所丹心猶

數中興年生歲魚腹不見水死抱龍鬚直上天

版蕩純臣有如此流芳千古更無前

謝枋得 字君直因東坡有溪上青  
山三百疊之句遂以為號

德祐丙子元師入信州謝枋得乃變姓名入建寧  
山至元中御史程文海等交薦累召不赴行省  
叅政魏天祐復被旨集守令戍將迫蹙上道臨  
行以詩別常所往來者曰雪中松柏愈青青扶  
植綱常在此行天下豈無龔勝潔人間何獨伯  
夷清義高便覺生堪捨禮重方知死甚輕南八  
男兒終不屈皇天上帝眼分明蔡正孫和云山  
色愁予渺渺青平生心事杜鵑行霜鬢雪虐天

終定歲晚江空水自清肩上網常千古重眼前  
榮辱一毫輕離明坤順文箕事此是先生素講  
明時士友詩盈几張叔仁詩云打硬修行三十  
年如今證驗作儒仙人皆屈膝甘為下公獨高  
聲罵向前此去好憑三寸舌再來不直一文錢  
到頭畢竟全清節留取芳名萬古傳枋得會其  
意甚稱之至燕不食而死

鄧剡

字光薦以字行別  
字中甫因號中齋

鄧光薦隨駕至崖山崖山潰光薦赴海虜舟拔出  
之張元帥待以客禮與文天祥俱出嶺別於建  
康後天祥坐燕獄中集杜云南宮吾故人才名  
三十年江城秋日落此別意蒼然

鄧光薦宋亡以義行著嘗賦鷓鴣詩曰行不得也  
哥哥瘦妻弱子羸牸馱天長地闊多網羅南音  
漸少北語多肉飛不起可奈何行不得也哥哥  
鄧光薦又有贊文丞相像曰目煌煌兮踈星曉寒

氣英英兮晴雷殷山頭碎柱兮璧完血化碧兮  
心丹嗚呼孰謂斯人不在世間

家鉉翁

則堂先生

元兵南下次高亭宋朝納降吳堅為左相家鉉翁  
為參政與賈餘慶劉岳為祈請使北行文天祥  
詩云當代老儒居首揆殿前陪拜率公卿又云  
程嬰存趙真公志賴有忠良壯此行前謂吳後  
謂家也至北鉉翁抗節不屈拘留河間世祖崩



成宗即位始賜衣服遣還鄉里年逾八十矣林  
景熙有詩送之云瀕死孤臣雪滿顛冰瓊齧盡  
偶生全衣冠萬里風塵老名節千年日月懸清  
淚秋荒遼海鶴古魂春老蜀山鶻歸來親舊驚  
相問禾黍離離夕照邊

信世昌

字雲父東平人  
公子無忌之後

信雲父北方之儒也元兵南下為張弘範館客文  
山被獲弘範命雲父款待之日侍談論頗有向

南之意贈文山詩云宗廟有靈賢相出黔黎無  
患大皇明文山因教以詩法雲父恍有所得明  
日袖出一絕云東風吹落花殘英猶戀枝莫怨  
東風惡花有再開時言文山不忘宋而宋必中  
興也一日謂文山曰高麗地方數千里昨喪其  
半遂稱藩大元喜其不拒并侵疆歸之今傳自  
如故大宋衣冠正統非高麗比北必不無禮於  
社稷也文山頷其意紀以詩曰東魯遺黎老子

孫南方心事北方身幾多江左腰金客便把君  
王作路人蓋是時宋臣多有反面事北者文山  
詩云遺老猶應愧蜂蟻故人父已化豺狼又云  
黑頭汝自誇江令冷齒人猶笑褚公皆有所指

謝翱 字阜羽福之長溪人徙浦城號晞髮子

宋亡文天祥被執謝阜羽悲不能禁嚴有子陵臺  
孤絕千尺時天涼風急挾酒登之設天祥主跪  
酌號慟取竹如意擊之作楚歌招之曰魂來兮

何極魂去兮江水黑化為朱烏兮其味烏食  
竟竹石俱碎失聲大哭人莫能測明年沒葬子  
陵臺南初翱以朋友道葬作許劔錄未就其友  
人為作許劔亭於墓右

劉會孟 字辰翁號須溪廬陵人私印古篆三代人物四字

劉須溪題蘇李泣別圖云事已矣泣何為蘇武節  
李陵詩噫

劉須溪元宵兩辭云角動寒譙看雨中燈市寒意

蕭蕭星球明。戲馬歌管雜。鳴刁泥沒膝。舞停腰。  
燄蠟任風消。更可憐紅啼。桃臉綠頰。楊橋當  
年樂事。朝朝曾錦鞍。呼妓金屋。藏嬌圍香春。醉  
酒坐月夜。吹簫今老去。倦歌謠。嫌殺杜家喬。漫  
三杯擁爐覓句。斷送春宵。

張孟浩贈須溪詩云。首陽餓夫甘。或叩馬何曾  
罪。辛巳淵明頌上。號酒中義熙。以後為全人。蓋  
宋亡之後。劉竟不出仕云。

鄭思肖

所南先生宋已不仕。因改名高。其意適孟頫才名當世。惡其以

而受元聘

遂與之絕

鄭所南善墨蘭。獨不畫土人。問其故。答曰。土為裔  
人奪去。題詩其上云。一國之香。一國之殤。懷彼  
懷王。于楚有光。

鄭所南每遇歲時。伏臘輒野哭。南向拜。聞北語。必  
掩耳。亟走。嘗題書塾云。不知今日月。但夢宋山  
川。題鄭子封寓舍云。此世但除君父外。不曾別

受一人恩題寒菊云寧可枝頭抱香歿何曾零  
落北風中

汪元量

字大有號水雲從謝后北遷老宮人能詩者皆其備教或謂瀛國公善詩

亦水雲教之

度宗時汪水雲以善琴出入宮掖元兵入城賦詩  
云錢唐江上雨初乾風入端門陣陣酸萬馬亂  
嘶臨警蹕三宮洒淚濕鈴鑾童兒賸遣追徐福  
厲鬼終須滅賀蘭若說和親能活國嬋娟應是

嫁呼韓頃之從三宮北去畱滯燕京時有王清  
惠張瓊英皆故宮人善詩相見輒涕泣元量嘗  
和清惠詩云愁到儂時酒自斟挑燈看劍淚痕  
深黃金臺迥少知己碧玉調高空好音萬葉秋  
聲孤館夢一總寒月故鄉心庭前昨夜梧桐雨  
勁氣瀟瀟入短襟

元世祖聞汪元量善琴召入侍鼓一再行駸駸有  
漸離之志而無便可乘也遂哀懇乞為黃冠世

皇許之瀕行與故宮人十八人醜酒城隅鼓琴  
敘別不數聲哀音哽亂淚下如雨張瓊英送之  
詩云客有黃金共璧懷如何不肯贖奴回今朝  
且盡穿廬酒後夜相思無此杯

少帝之寓燕京也淒涼無賴時汪水雲以黃冠放  
還少帝作詩送之云黃金臺上客底事又思家  
歸問林和靖寒梅幾度花元量既還錢唐往來  
彭蠡間風踪雲影倏無寧居人莫測其去畱之

蹟遂傳以為仙多畫像祀之

宋之初興也始於後周恭帝顯德七年

年恭帝方八歲及其亡也終于少帝德祐二年

少帝方六歲名顯而德顯二字竟與得國時符合

汪水雲題王導像云秦淮浪白蔣山青西望神州

草木腥江左夷吾甘半壁只緣無淚灑新亭元

有詩一帙皆叙宋亡事如云亂點傳籌殺六更  
風吹庭燎滅還明侍臣奏罷降元表臣妾簽名  
謝道清餘詩大抵類是元馬易之題其帙後云  
三日錢唐海不波子嬰繫組納山河兵臨魯國  
猶絃誦客過商墟獨嘯歌鐵馬渡江功赫奕銅  
人辭漢浹滂沱知章喜得黃冠事野水閑雲一

策鈞

唐珏

字玉潜號雷門先生後獲黃袍引兒報德之夢生子珙為名儒

元世祖二十一年甲申桑哥為相與江南浮屠總攝楊輦真珈相表裏嗾僧嗣古妙高上言欲毀宋諸陵明年乙酉正月桑哥矯制可其奏於是發諸陵唐時年三十二歲聞之痛憤亟貸家具得白金百星許執券行貸得白金又百星許乃具酒醪市羊豕邀里中少年若干輩狎坐轟飲酒且酣唐慘然具以告願收瘞遺骸乃斲文本

為匱複黃絹為囊各署其表曰某陵某陵分委而散遣之藪地以藏為文而告詰旦事訖來集出白金羨餘酬戒勿泄越七日總浮屠下令裒陵骨雜置牛馬枯骷中建白塔於杭故宫曰鎮南以厭勝之杭民悲戚不忍仰視了不知陵骨之猶存也唐葬骨後又於宋常朝殿掘冬青樹植於所函土堆上作冬青行曰馬箠問饒形南面欲起語野麕尚屯束何物敢盜取餘花拾飄

蕩白日哀后土六合忽怪事  
蛻龍掛茅宇老天  
鑿區區千載護風雨

唐又有感雷震白塔詩云  
冬青花不堪折南風吹  
涼積香雪搖搖華蓋萬年枝  
上有鳳巢下龍穴

羊兒年犬兒月霹靂一聲天地裂

其後至正十九年偽周張

士誠遣平章張士信守抗壞白塔  
塔斃城塔亡而元亦馴至於亡

唐復有夢中詩四首曰珠亡忽震蛟龍睡  
軒弊寧忘犬馬情  
親拾寒瓊出幽草四川風雨鬼神驚

一坏自染珠丘土雙匣親傳竺國經  
只有

知此意年年杜宇哭冬青  
昭陵玉匣走天涯

粟堆寒起暮鴉水到蘭亭轉嗚咽  
不知真帖落

誰家珠鳧玉鴈又成埃  
斑竹臨江首重回猶憶

年時寒食節天家一騎奉香來

或以為林德陽景熙事按唐與

林本同事者羅有開鄭明德傳之乃各立異不免傳疑





鄉人從此投外國遂越海歸中國唐長興六年也明宗賜姓名曰李贊華以莊宗妃夏氏妻之拜懷化軍節度使

東丹王有文才博古今其帆海奔唐載書數千卷習舉子每通名刺云鄉貢進士黃居難字樂地以擬曰居易字樂天也尤工畫人物鞍馬世傳東丹王千角鹿圖李伯時嘗臨之黃北苑有賦云

趙延壽

仕後唐為樞密使清泰末陷契丹耶律德光用為丞相綜國事晉少主

政延壽道德光為亂凡數年之間盜有中夏實延壽贊成之力也

趙延壽將家子幼習武略即戎之暇時復以篇什為意嘗在虜庭賦詩曰黃沙風捲半空拋雲動陰山雪滿郊探水人迴移帳就射鷓箭落著弓杪鳥逢霜果饑還啄馬渡冰河渴自跑占得高原肥草地夜深生火折林稍南人聞者往往傳之

王徽高麗國主

高麗國與契丹爲鄰每因契丹誅求藉不能堪國主王徽常誦華嚴經祈生中國一夕忽夢至京師備見城邑宮闕之盛覺而慕之乃爲詩以記曰惡業因緣近契丹一年朝貢幾多般移身忽到京華地可惜中宵漏滴殘乃遣使朝宋時神宗元豐初也

韓繳如

高麗自太宗後久不入貢至元豐初始遣使來朝其後遂相沿不廢大觀間葉夢得爲館伴故事使人到闕不過月徽宗欲令觀殿試放榜遂畱七十日使者頗脩謹詳雅葉撫之甚厚將行餞之占雲館而別其副韓繳如馬上忽使人持一大玉帶贈葉云此實故物其家世傳以爲寶今以爲獻且于笏上自書一詩相別云泣涕汎瀾欲別離此生無復再來期謾將寶玉陳深意莫

忘思人見物時葉以高麗使故事無解換例力  
辭之

韓正

遼右金吾  
衛上將軍

燕北風俗不問士庶皆自稱小人宣和間韓正歸  
朝授檢校少保節度使對中人以上說話即稱  
小人中人以下即稱我家每日到漏舍誦天童  
經數十遍其聲朗朗然且云對天童豈可稱我  
自皇天生我皆改為小人云皇天生小人皇地

載小人日月照小人北斗輔小人前後二十餘  
句凡稱我者皆改為小人誦畢贊笑云這天童  
極靈聖王少師云若無靈聖如何持得許多小  
人

趙良嗣

燕人馬植仕契丹至光祿卿行汙而  
內亂不齒於人童買使至虛溝植謁

見言有滅燕之策貫載與俱歸易  
姓名曰李良嗣薦諸朝賜姓趙氏

趙良嗣與土壤使女真隨軍攻遼上京城破有詩  
曰建國舊碑胡月暗興王故地野風乾回頭笑

向王公子騎馬隨軍上五鑿

上京乃契丹所謂西樓賁耶律氏之

咸鎬豐沛五鑿乃上京殿名保機之故巢也

天祚文妃

契丹自阿保機至天祚九世亡

文妃喜文墨嘗作史詩以諷諫云丞相朝來劔佩

鳴千官欄日寂無聲養成寇盜謀將及害盡忠

良諫不行親戚盡連藩屏翰私門潛蓄爪牙兵

可憐二世秦天子猶向宮中望太平文妃被誅

後其子晉王亦以誦金受誅時稱母子俱賢

虞仲文

字質夫遼日為相歸金授樞密使

虞質夫四歲作雪花詩曰瓊英與玉蘂片片落前

墀問着花來處東君也。不知時人目為神童

宇文虛中

字叔通自號龍溪老人宋黃門侍郎以奉使留金仕為翰林學士

嘗密與高士談謀欲因金主宣郊天就劫殺之先以蠟書告宋俾為外應秦檜拒不

納事覺與其子師援坐誅

宇文叔通四時迴文各三絕句短草鋪茸綠殘梅

照雪稀暖輕還錦褥寒悄怯羅衣春翠漣冰綻

日香徑晚多花。細笋抽蒲密。長條舞柳斜。春拆  
花幽檻小。傾酒綠杯深。蝶舞輕風曉。鶯啼老樹  
陰。三春翠密圍牕竹。青圓貼水荷。睡多嫌晝永。醒  
少得風和。一夏草徑迷深綠。蓮池浴膩紅。早蟬鳴  
樹曲。鮮鯉躍潭東。二夏暴雨隨雲驟。驚雷隱地平。  
好風搖蓮透。輕汗挹綃清。三夏晚日欹簾捲。涼風  
覺袂搖。遠吟高興遣。長醉宿愁銷。一秋短葦低殘  
雨。虛舟帶晚潮。斷鴻歸暗浦。疎葉墜寒梢。二秋感

蒼蒼吟苦。茫茫水驛孤。日銜山色暮。霜帶菊叢  
枯。三秋鶻健呼風急。烏啼促景殘。窟深宜兔蟄。蒲  
折蔭魚寒。一冬裂瓦寒霜重。鋪窻月影清。滅燈驚  
好夢。孤枕念深情。二冬秀栢畱陰綠。芳梅醮影斜。  
酒簷冰結玉。裝樹雪飛花。三冬

涇王許餉叔通以酒幾月不至叔通以詩促之曰  
先生寂寞草玄文。正要侯巴作富鄰。客至但須  
樽有酒。日高不怕甌生塵。急催嶺外傳梅使。來

卷外已卷六十四

餉籬邊採菊人已掃明憲供點筆為君擬賦洞

庭春

吳激

字彥高自號東山宋宰臣拭之子王履道外孫而米元章壻也將命帥府以知

名雷之仕為翰林待制

吳彥高同兒曹賦蘆花云天接蒼蒼渚江涵裊裊

花秋聲風似雨夜色月如沙澤國幾千里漁村

三兩家翻思杏園路鞭裊帽簷斜

吳彥高在燕山赴張總侍御家集張出侍兒佐酒

中有一人意狀摧抑可憐扣其故乃宣和殿小

宮姬也因賦入月圓詞紀之聞者揮涕其詞曰

南朝千古傷心事猶唱後庭花舊時王謝堂前

燕子飛向誰家恍然一夢仙肌勝雪宮髻堆

鴉江州司馬青衫淚濕同是天涯時宇文叔通

亦賦念奴嬌先成而頗近鄙俚及見此作茫然

自失是後人有求作樂府者叔通即批云吳郎

近以樂府名天下可往求之

吳彥高題風流子詞於燕山驛壁間曰書劍憶游  
梁當時事底處不堪傷蘭楫嫩漪向吳南浦杏  
花微雨窺宋東墻鳳城外燕隨青步障絲惹紫  
游韁曲水古今禁烟前後暮雲樓閣春草池塘  
回首斷人腸年芳但如霧鏡髮成霜獨有蟻  
尊陶寫蝶夢悠揚聽出塞琵琶風沙浙瀝寄書  
鴻鴈烟月微茫不似海門潮信靖康能到潯陽  
中原為虜地當時高入勝七陷沒者不少紹興  
庚申辛酉河南關陝暫復有自關中驛舍壁間

得詩二絕云鞞鼓轟轟聲徹天中原廬井半蕭  
然鶯花不音興亡事妝點春光似去年又云眉  
平沙淺鴈來棲渭漲沙移鴈不歸江  
海一身多少事清風明月淚霑衣

吳彥高在會寧府遇老姬善琵琶自言梨園舊籍  
因有感而賦春從天上來詞曰海角飄零嘆漢  
苑秦宮墜露飛螢夢回天上金屋銀屏歌吹競  
舉青冥問當時遺譜有絕藝鼓瑟湘靈促哀彈  
似林鶯嘒嘒山溜泠泠梨園太平樂府醉幾  
度春風鬢髮星星舞徹中原塵飛滄海風雪萬

里龍庭寫胡笳幽怨人憔悴不似丹青酒微醒  
一軒涼月燈火青螢王防禦玉說此詞句句用琵琶故實

吳彥高又有訴衷情詞云夜寒茅屋不成眠殘月

照吟鞭黃花細雨時候催上渡頭船鷗似雪水

如天憶當年到家應是童稚牽衣笑我華顛

蔡松年

字伯堅官至尚書右丞相鎮陽別業有蕭閑堂自號蕭閑老人二字珪字正甫璋字特甫俱第進士號稱文章家正甫七歲賦菊詩語意驚人權第後不赴選調求未見書讀之其辯博為天下第一遂為金源文宗特甫非其比也恩州桑維字

之才伯堅之婿亦有才名

金源百年間樂府推蔡伯堅與吳彥高號吳蔡體

其大江東去乃樂府中最得意者離騷痛飲間

人生佳處能消何物江左諸人成底事空想岩

岩青壁五畝蒼煙一丘寒玉歲晚憂風雪西州

扶病至今悲感前傑我夢卜築蕭閑覺來岩

桂十里幽香發魄磊胃中冰與炭一酌春風都

滅勝日神交悠然得意離恨無毫髮古今同致



永和徒記年月

伯堅在涼陘作聲聲慢寄內云青蕪平野小雨千  
峯還成暮陘寒色裁剪芸窻憶得伴人良夕逢  
憐幾重眉黛恨相逢少於行役梨花淚正宮衣  
春瘦曉紅無力應恠浮雲夫婿不解趁新醅  
醉眠涼月怨入關河西去又傳音息誰知倦游  
心事何來年苦思泉石人未老約間峯多占秀  
碧

蔡伯堅又有鷓鴣天二闕云解語宮花出畫簷  
尊風味為花甜誰憐夢好春如水可奈香餘月  
入簾春漫漫酒厭厭曲終新恨到眉尖此生  
願化雙瓊柱得近春風煖玉纖秀樾橫塘十  
里香水花晚色靜年芳胭脂雪瘦薰沉水翡翠  
盤高走夜光山黛遠月波長暮雲秋影蘸瀟  
湘醉魂應逐凌波夢分付西風此夜涼

蔡正甫畫眉曲云樓外春山幾點螺樓頭望處染

雙蛾不知深淺隨宜否。却倩菱花問。眼波纖葉  
斜橫蜀柳條。拂成風思自妖嬈。元和才子才猶  
拙。只對春風詠舞腰。

并門自古無竹。李文饒嘗一植之。歷宋數百年。寺  
僧日為平安報。其難可知矣。大定間蔡正甫由  
禮部郎出守濰州。乃于官舍東堂種碧蘆。以寄  
意。因作長短句曰：青君那肯顧寒鄉。試着葭蘆  
擬汶篁。有若何堪。子虎賁猶想見中郎色。

添新雨。簾櫳好。聲入微風枕簟涼。他日東堂慙  
政拙。只將此物當苜蓿。

王溫季自北都歸過正甫於三河。坐中賦江城子  
曰：鵲聲迎客到庭除。問誰歟。故人車。千里歸來  
塵色半。征裾。環重主。人畱客意。奴白飯。馬青莧。

東城八眼杏千株。雪模糊。俯平湖。與子花間  
隨分倒金壺。歸報東垣詩社友。曾念我。醉狂無。

金初文士如宇文叔通、蔡伯堅、吳彥高等不可  
不謂豪傑之士。然皆宋儒。難以金源文派論之。

故斷自正甫為宗党竹谿次之趙開開又次之自蕭真卿倡此論一時無異議云

桑之才白髮詩曰白髮近年見十中三兩莖半因

愁。僂出多為病。添成梳裏有時落。鑷餘還又生。

老知無可避。何處是功名。

高士談

字子文一字季默宋韓武昭主瓊之後宣和末任沂州尹曹仕金為翰孫

直學士皇統初預宇文大

高子文棣棠詩云閉庭分植占年芳。裊裊青枝淡

淡香。流落孤臣那忍看。十分深似御袍黃。楊花

詩云來時官柳萬絲黃。去日飛毬滿路傍。我比

楊花更飄蕩。楊花只是一春忙。

蔡伯堅有詠茶好事近詞云天上賜金奩。不減壑

源。三月午筵。春風纖手看一時。如雪幽人只慣

茂林前。松風聽清絕。無奈十年黃卷。向枯腸搜

徹。高子文和云誰打玉川門。白絹斜封團月。晴

日小。牕活火響一壺春雪。可憐桑苧。一生顛文

字更清絕。直擬駕風歸去。把三山登徹。

高特夫詩有家學題裴氏西園云簿領沉迷倦不  
禁偶從名勝此幽尋竹陰疎處見潭影人語定  
時聞鳥音陳跡謾畱千古恨歡遊聊慰十年心  
多情一片梁園月送我垂鞭出上林

馬定國

字子卿荏平人號莽堂

馬莽堂少日志趣不凡宣政末題詩酒家壁云山  
杏山桃取次開紅紅白白上樓臺移將海底珊  
瑚樹乞與人家也不栽用是得罪亦用是得名

劉豫既受金冊立為齊帝遂僭建元阜昌時莽堂  
游歷下亭以詩撼之云男子當為四海遊又携  
書劍客東州煙橫北渚芰荷晚木落南山鴻雁  
秋富國桑麻連魯甸用兵形勢接營丘傷哉不  
見桓公業千古遶城空水流豫召與語大悅授

監察御史

崇寧間望氣者上言景州阜城縣有天子氣甚明徽宗弗之信既而方士

之幸者頌言之有詔斷支隴以泄其所鍾居一  
年猶云氣故在特稍晦將為偏閏之象而不克  
有終至靖康偽楚張邦昌之立踰月而釋位逆  
豫既僭遂改元阜昌且祈于金匱調丁繕治其

故嘗夷鏟者力役彌年民不堪命亦不免於廢二僭皆阜成人卒如所占云

朱之才

字師美洛西人宋崇寧間登科入齊為諫官

朱師美題周昉所畫欠申美人圖云巫峽昭君有  
奇色毛生欲畫無由得但作東風背面身看來  
已可傾人國朝來睡起鬢髮垂手如春笋領蝟  
瘳繡帷幽夢斷難續想像翠黛顰修眉春光三  
月濃於酒燕燕雙飛鶯喚友不教膩臉露桃花  
且喜腰肢似楊柳君不見漢宮多病李夫人轉

面不顧君王噴古來畫五畫意亦自足煙霧玉  
質何由真

翟欽甫

金初人

有象飲清菴中翟欽甫偶至眾不識其能詩俾賦  
清菴欽甫故拙起句云為問清菴何以清眾拍  
手大笑及賦第二句霜天明月照蓬瀛眾失色  
連賦廣寒宮裏琴三弄白玉樓頭笛一聲金井  
玉壺秋水冷石田茅屋暮雲平夜來一枕遊仙



卉媚春風我心正與君相似只待雲稍拂碧空  
又書壁述懷云蛟龍潛匿隱滄波且與蝦蟆作  
混和等待一朝頭角就撼搖霹靂震山河既而  
過汝陰復作詩曰門掩黃昏染綠苔那回蹤跡  
半塵埃空亭日暮烏爭噪幽徑草深人未來數  
仞假山當戶牖一池春水透樓臺繁。花。不。識。興。  
亡。地。猶。倚。欄。杆。次。第。開。又。一。日。至。卧。內。見。其。妻  
几間有巖桂植瓶中索筆賦曰綠葉枝頭金縷

裝秋深自有別般香一朝揚汝名天下也學君  
王著赭黃

海陵既篡位一日閱柳耆卿望海潮詞欣然有慕  
於三秋桂子十里荷花遂起投鞭渡江之志乃  
密隱畫工於奉使中寫臨安湖山以歸既進繪  
事大喜亟命撤坐間軟屏更設所獻而於吳山  
絕頂貌已之狀策馬而立題其上曰萬里車書  
盡混同江南豈有別疆封提兵百萬西湖上立

馬吳山第一峰

淳熙間謝處厚有詩云誰把抗

知卉木無情物牽動長江之愁然卒為金主送死之媒

卿詞雖牽動長江之愁然卒為金主送死之媒

未足悵也至於荷艷桂香粧點湖山清麗使士

夫流連歌舞遂忘中原是則深可恨耳因和其

詩云殺胡快劍是清謳牛渚依然一片

秋却恨荷花留玉輦竟忘烟柳汴宮愁

海陵南侵之議既决太后徒單氏數以言諫海陵

不悅遂弑之是歲中秋待月不至賦鵲橋僊曰

停盃不舉停歌不發等候銀蟾出海不知何處

片雲來做許大通天陣礙

虬髯撚斷星眸睜

裂惟恨劍鋒不快一揮截斷紫雲腰子細看婦

娥體態

海陵大舉南侵使御前都統驃騎衛大將軍韓夷

耶將射鵬軍二萬三千圍子細軍一萬先下兩

淮臨發賜所製喜遷鶯以為寵曰旌麾初舉正

駃騠力健嘶風江渚射虎將軍落鵬都尉繡帽

錦袍翹楚怒礫戟髯爭奮捲地一聲鞞鼓笑談

頃指長江齊楚六師飛渡此去無自墮金印



如斗獨在功名取斷鎖機謀垂鞭方略人事本  
無今古試展卧龍韜韞果見成功且莫問江左  
想雲霓望切玄黃迎路

海陵至瓜洲詔諸將約以三日濟江否則盡殺之  
軍士危懼比又聞曹公烏祿卽位於遼陽遂共  
謀殺之初亮入寇有人以焦貢易林筮遇解之  
大壯其辭曰驕胡火形造惡作凶無所能成遂  
自滅身其親切應驗如此

劉瞻 字崑老自號柳亭居士  
天德三年南陽登科

劉崑老作詩工於野逸春郊詩云桑芽粒粒破春  
青小葉迎春未展成寒食歸寧紅袖女外家紙  
上看蚕生又賦所見云傾歌石片插漣漪上有  
蕭蕭楊柳枝藻苻半浮苔半濕浣紗人去不多  
詩。

王寂 字元老菊州人  
天德三年進士

王元老題易足齋云吾愛吾廬事事幽此生隨分

得優游窮冬夜話蒲團暖長夏朝眠竹簟秋一  
榻蠹書閑處看西孟薄粥飽時休紅旗黃紙非  
吾事未羨元龍百尺樓

王元老先人有鷄山詩云記得垂齧此地遊鷄山  
孤立水平流而今重過山前路山色青青人白  
頭

趙可

字獻之貞元二年進士自號玉峯散人

趙獻之風流有文采其鷄山天詞云金絡閑穿御

路楊青旗遙認醉中鄉可人自有迎門笑下馬  
何妨索酒嘗春正好日初長一尊容我駐風  
光歸來想像行雲處薄雨霏霏洒面涼又十  
頃平波溢岸青草香沙暖水雲晴輕衫短帽垂  
楊裏楚酒相看別有情揮彩筆倒銀瓶花枝  
照眼句還成老來漸減金釵興田施春光與後  
生

鄭景純

子明

少有賦聲其咏醪醪有玉斧無人解

修月珠裙有意欲留仙之句甚為詩家所稱天  
德三年景純第三人登科士論仍以為屈而海  
陵不之許也正隆二年詔景純再試擇能賦者  
八人先以題付之以困景純及開卷景純第一  
海陵終不以為工與被黜者兩罷之趙獻之賀  
啓云丹桂一枝不失舊物青錢萬選無媿古人  
孟宗獻字友之開封人大定三年  
鄉府省御四試皆第一  
孟友之雪燭詩固知劫火終無盡誰謂清冰也自

焚未幾丁母憂哀毀致卒前數夕有星隕於所  
居虛靜軒高特夫挽云誰謂詩成識清冰果自  
焚人嗟埋玉樹天為落文星孔嗣訓挽二二十  
年間事才名一夢新衰羸驚喪母哀毀竟亡身  
魂返愁楓夜情留淚草春黃公酒爐在此去只  
悲辛

景覃 字伯仁華陰人自號涓濱野叟大定初  
三赴簾試後以病不就舉與白水段子  
新友善段名繼昌  
自號適安居士

景伯仁鳳栖梧詞曰倦客情悰紛似縷小院無人  
卧聽秋蟲語歸意已攬新鴈去晚涼更作瀟瀟  
雨。

段子新家甚貧而世間事皆不以挂口有以錢遺  
之者必盡送酒家名酒曰黃嬌蓋關中人謂兒  
女曰阿嬌子新以酒比之故云一日天苦寒人  
有遺之酒者飲不盡而醉夜半忽驚起以衣衾  
覆酒缸僵卧榻上人為言酒自不冰先生將不

為寒所病乎子新笑曰人病酒可醫酒病不可  
療也其好飲如此臨終辭鄉里託以他適明日  
卧于党氏園亭大石上視之已逝矣景伯仁吊  
之云適安居士舊知聞廓達靈根厭世紛辭罷  
親朋便歸去一籌今日又輸君

段子新嘗讀紀信傳有感賦詩曰鹿走中原兩虎  
爭榮陽園解事堪驚當時拔劍論功者失口何  
人說紀生

党懷英

字世傑號竹谿宋太尉進士一代孫與濟南辛勿安同師蔡伯堅筮仕決

以著辛得離決意南歸党得坎遂留事金

党竹谿應制賦粉紅雙頭牡丹曰春意應嫌芍藥

遲一枝分秀伴雙蕤並肩翠袖初酣酒對鏡紅

粧欲聞竒曉日倚闌同妬艷東風拾翠兩駢眉

更看散作人間瑞萬里黃雲麥兩岐

宋真宗朝石曼卿通守昫山遣人以泥封桃李核

彈之崑石中其後花開滿山又嘗携妓飲山之

石室間鳴絃為冰車鐵馬聲党竹谿過昫山為

詩弔曼卿曰城頭山色翠玲瓏尚憶清狂四飲

翁鐵馬冰車斷遺響桃花石室自春風生平詩

價千鈞重身後仙遊一夢空相見蓬萊水清淺

芙蓉城闕五雲中

党竹谿咏茶青玉案詞曰紅莎綠蕩春風餅趁梅

驛來雲嶺紫柱崖空瓊竇冷佳人却恨等閑分

破縹緲雙鸞影一甌月露心魂醒更送清歌

助清興。痛飲休辭。今夕永。與君洗盡滿襟煩暑。  
別作高寒境。

党竹谿感皇恩詞賦。疊羅花曰碧玉撚條。藍袍裁  
葉。明艷黃深軟。金疊道裝仙子謫。墮盡珠僊闕。  
為春閑。管領花時節。漢額粧穠。楚腰舞快。襞  
積裙餘。舊宮褶。東君着意留伴。小庭風月。任教  
鷓鴣喚群芳歇。

王庭筠

字子端。讀書黃華山寺。因號黃華山  
主。其詩能文。書學米元章。尤善山水。

墨竹

王子端初歷州縣。用薦者供奉翰林。承安中為言  
事者所累。獄中見燕賦詩曰。笑我迂踈觸禍機。  
嗟君底事入圜扉。落花吹濕東風雨。何處茅簷  
不可飛。

王子端平生愛天平黃華山水。其題黃華山一首  
頗有太白聲調。詩曰。掛鏡臺西掛玉龍。半山飛  
雪舞天風。寒雲直上三千尺。人道高歡避暑宮。

黃華采蓮曲云南北湖亭競采蓮吳娃嬌小得人  
憐臨行折得新荷葉却障斜陽入畫船

黃華書西齋壁云世事雲千變浮生夢一場偶然  
攜拄杖來此據胡床有雨夜更靜無風花自香  
出門多道路何處覓亡羊

黃華賦玉簪謁金門詞曰秋蕭索燈火新涼簾幕  
翠被不禁臨曉薄南樓聞畫角想見玉壺水  
夢一夜西風開却夢覺烏啼殘月落幽香無處

着

王明伯黃華猶子也幼歲學書書家即稱賞之性  
倜儻膂力絕人嘗有詩曰釣鰲公子鐵心胸興  
在三山碧海東千尺雲帆已高揭不知何日得  
秋風死于鄧州年末四十

遼陽張仲澤

汝霖

春溪詩云黯黯春愁底處消小

桃無語半含嬌東風不管前溪水暖綠溶溶拍  
畫橋高仲常憲元夕無燈詩云九陌無燈夜悄

然小紅時見點春烟多情惟有梅稍月拍酒樓  
頭照管絃仲常黃華之甥黃華又仲澤之甥其  
淵源有自云

高仲常自言於世味澹無所好唯生死文字間而  
已有梅花引二首其詞曰蒿火目藜羹腹書生  
寧有封侯骨長須奴下澤車艱閑險阻誰教涉  
畏途半生落莫長安道一事無成雙鬢老南轅  
胡北轅吳功名富貴情知不可圖槐堂夢鼓

笛奏馳驟百年塵一闕陶淵明張季鷹一盃濁  
酒馬知身後名有溪可漁林可繳須信在家會  
也樂熊門春俱江雲幾時作箇山間林下人

蕭貢

字真卿咸陽人天  
定十九年進士

蕭真卿博學能文不減蔡正甫嘗擬迴文四章曰  
春波綠處歸鴻過夜月明時飛鵲愁人去附書  
將恨寄暮山雲斷倚高樓樓上却來樓下待  
晚窻春盡斷回腸愁人有說嫌人問淚酒新詩



掃墨香。風慢半縈香篆細。碧窻斜影月籠紗。  
紅燈夜對愁魂夢。老盡春庭滿樹花。萋萋碧  
草連天遠。杳杳行人幾日迴。淒雨晚涼空坐。  
淚粧殘。暈濕紅腮。

火山瑩禪師隩州白氏岐山令君舉樞判文舉弟  
也。棄家為佛子。自幼有詩名。河東嘗有詩云。十  
日柴門九不開。松庭雨後滿蒼苔。草屨挂起。跏  
趺坐。消得文殊更一來。歸寂後。客有持其集云。

真卿者真卿題云。長短都歸一夢中。身前身後

劫無窮。李愷信士。今如在。定向江湖訪澤公。

劉昂

字之昂。興州人。大定十九年進士。泰和  
間。又有劉昂。字濟霄者。以先有劉昂。號

小劉  
之昂

劉之昂醉後詩曰。神僧勸讀傳燈錄。道士教行進  
火功。今日興來俱破戒。黃花籬落醉西風。歌風  
臺詩曰。劉頂興亡轉燭過。亂蟬吟破漢山河。長  
陵卧老咸陽月。沛上猶傳擊筑歌。山中雨詩曰。

嵩高山下逢秋雨破傘遮頭水沒腰此景此時

誰會得清如窓下聽芭蕉祝枝山誦此詩嘗西其上

處時海鹽沈生因誦誰騷經而得二句曰蕙蘭

芳芷滿東臯開步春風讀楚騷然下韻不接因

久思誤墜屋下人方驚扶乃曰好也好也遂歌

曰忽憶靈均發憂情墜崖幾折沈郎腰因思古

今未嘗無對頰跌傷體

寧無痛楚尚曰好耶

張秦娥者頗能小詩其賦遠山云秋水一抔碧殘

霞幾縷紅水窮霞盡處隱隱雨三峯其後流落

劉之昂贈詩云遠山句好畫難成柳眼才多總

又情今日衰頤人不識倚爐空聽煮茶聲又云

二頃山田半欲蕪子孫零落一身孤寒窻昨夜

蕭蕭雨紅日花稍入夢無秦娥為之泣下

宋開禧間韓侂胄欲立蓋世功名以自固乃定議

伐金金元帥紇石烈子仁領兵駐濠梁時小劉

之昂作樂章一闕大書於濠之倅廳壁間名上

平南其詞云蠶鋒搖螳臂振舊盟寒恃洞庭彭

蠡狂瀾天兵小試百蹄一飲楚江乾捷書飛上

九重天。春滿長安。舜山川。周禮樂。唐日月。漢  
衣冠。洗五州妖氣。閔山已平。全蜀風行。何用一  
泥丸。有人傳喜。日邊都護先還。

趙秉文

字用臣號閑閑德陵嘗賜公所服丹  
湖紅滿面公先壬辰之變以禮部尚

書學士丞肯卒於  
第人以為天幸

閑閑公為上清宮道士寫經并以所養鵝群付之  
楊雲翼紀以詩曰會稽筆法老無塵今代閑閑  
是後身只有愛我鵝綠已盡舉群還付向來人

泰和初閑閑公知平定擬栩仙人王雲鶴往謁之  
贈詩云寄語閑閑傲浪仙枉將詩酒污天全黃  
塵遮斷來時路不到蓬山五百年因言唐世大  
夫五百人皆仙人謫降中有為世味所著迷而  
不及者如公與我皆是也他日玉龜山人謂公  
云子前身赤城子也公因以詩記之云玉龜山  
下古仙真許我天台一化身擬折玉蓮騎白鶴  
他年滄海看揚塵又趙禮部庭玉說丹陽子謂

公再世蘇子美也公聞之曰赤城子則吾豈敢  
若子美則庶幾焉因作水調歌頭以寄意云四  
明有狂客呼我謫仙人俗緣干劫不盡回首落  
紅塵我欲騎鯨歸去只恐神仙官府嫌我醉時  
嗔笑拍群仙手幾度夢中身倚長松聊拂石  
坐看雲忽然黑霓落手醉舞紫毫春寄語滄浪  
流水曾識閑閑居士好為濯冠巾却返天台去  
華髮散麒麟

閑閑公青杏兒詞曰風雨替花愁風雨罷花也應  
休勸君莫惜花前醉今年花謝明年花謝白了  
人頭乘興兩三甌揀溪山好處追遊但教有  
酒身無事有花也好無花也好選甚春秋

王中立 字湯臣號擬翔  
晚年易名雲鶴

王擬翔少日治易有聲場屋間累舉不第賦詩曰  
學劔攻書謾自竒回頭三十六年非春風萬里  
衡門下依舊并州一布衣

王擬栩家豪於財賓客日滿門待之備極豐腆其  
自奉則日食淡湯餅一杯而已年二十四喪妻  
遂不更娶亦不就舉選齋居一室枯淡如衲僧  
如是三四年乃出時人覺其談吐高濶詩筆字  
畫皆超絕若有物附之者問之不言也一日來  
都下館閑閑公家中秋夜飲酒賦詩且就公索  
墨水一槃公如言與之明且不造而去壁間留  
龜鶴二字廣長一丈而墨水具在不知以何物

言及朝士來觀者車馬填咽都下競傳王先生  
仙去矣久之先生從外至問二字以何物書不  
答題詩其旁云天地之間一古儒醒來不記醉  
中書旁入錯比神仙字只恐神仙字不如

擬栩平生詩甚多有醉袖舞嫌天地窄詩情狂壓  
海山平之句他亦補此雜詩云華山宮殿白雲  
封不見當年打睡翁貪看終南山色好不知紅  
日下前峯 獨跨蒼虬下太清春風萬里月華

明因君感激為君說鑿破天機我也驚雲葉

粼粼皺碧空笙簫馥響入天風忽驚風浪耳邊

急不覺形神來世中此生休更問浮名名利

區區不暫停我有一丸天上藥用時還解濟蒼

生

奇異其處云天出之問一古謝躡來不隨

竹去矣又之去去與我至問二字以可

不

刻

